

禮俗志之三

祠祀

甘志云禮經所載釋奠於先聖先師及山川社稷五卅八臘之祭皆祀典之正也其他能捍災患禦有功德於民者亦有祠以祀焉漢魏而降崇信釋道始有蘭若仙觀迨民國肇興羣祀皆廢僅紀念孔子追悼忠烈著為名令茲將舊時典祀俗祀寺觀分著於篇亦足覘文明進步崇祀對象皆注重功德在民而不與古同科也

典祀

文廟 詳教育

武廟 (李通志) 武安王廟在府治南弘治間知府王嘉慶建歲五月十五日武官致祭 (王志) 在城東門內明知府陶紳重建 (現據冊籍乃重修碑記康熙五十三年知恆州錢重修武廟並置大姚縣香火田租十二石) (乾隆五十年火) (甘志作三十五年) (五十二年) 知州吳繼善重建嘉慶初年知州徐森重修 (甘志) 亂後將圯同志治十二年州人朱士雲籌費修建 (採訪) 武廟自清雍正七年定關帝為祀典以春秋二仲致祭民國初加祀岳武穆定名關岳廟並以

歷代名將二十四人配享尋廢外區尙有三一在普溯街光緒二十五年劉思禹倡建一在普昌河光緒十年建一在光祿鎮康熙間土同知高厚德倡建現設中心小學於內

武侯祠 (李通志) 在府治東十五里歲春秋二仲月上庚日祭知府吳嘉祥記略 (見文徵) (雲南通志) 在城東十五里飽煙蘿山 (王志) 祠右有東山寺 (採訪) 亂後圯光緒間邑人周之鳳任揆道蘇景春候國典等重建 (王志) 一在城北門外

名宦鄉賢祠 (李通志) 在學宮內俱春秋二仲月祭 (王志) 舊係南向道光十二年學正王光改建東向 (甘志) 經亂被燬 (採訪) 光緒二十六年學正段世清重建

忠孝節烈祠 (王志) 舊在文昌宮外嘉慶間學正呂暢遷建於學宮道德坊內道光十三年學正王改建忠孝祠遷建節烈祠於學宮外 (甘志) 經亂被燬 (採訪) 光緒二十六年學正段世清重建三十年邑人甘孟賢呈請以大成書院為養節堂並祀明清兩代節烈百七十五人以清明節祭

忠烈祠 (甘志) 名昭忠祠在東門內光緒卅五年人徐聯魁建 (採訪) 入民國易名忠烈以中元節致祭及抗戰勝利就東嶽廟改建以祀陣亡八百烈士云 (附照片)

風雲雷雨山川壇 (李通) 在府城西春秋二仲月祭 (王志) 在南門外 (甘志) 亂後圯廢

先農壇 (王志) 在城東門外 (甘志) 亂後圯廢 (採訪) 光緒二十七年知州梁正麟重建清會典雍正五年定歲二月吉致祭並行耕籍典禮入民國圯廢二十九年教育局拆卸材料就文廟尊經閣道址改建女校教室

社稷壇 (李通志) 在府城西春秋二仲月祭 (王志) 在城西北隅 (甘志) 道光二十七年知州吳嘉思遷建於城北亂後圯廢

神祇壇 (雲南通志) 在城南一里兵燹傾圮

厲祭壇 (李通志) 郡厲壇在府城北二里歲春清明孟秋望孟冬朔日致祭 (王志) 在城北門外

(甘志) 亂後圯廢

史皇壇 (甘志) 即尊經閣詳教育學宮

文昌宮 (王志) 在南門內明土同知高梓潼賜建萬曆三十七年知府楊頤 (甘志秩官表楊頤萬曆三十七年署重修文昌宮原二年字當

誤有) 土同知高映麟生員靳一鳳萬中遷重建乾隆十八年知府程家棟知州翁甲重修二十四年知州

楊重毅知州屠可堂率紳士重修 (甘志秩官表楊重毅乾隆二十一年任修文昌宮後殿年數稍參差究係何處錯誤闕疑待考) (甘志) 回亂後傾

圮同志十年遷神位於德豐寺祀之光緒五年以所遺後殿三間遷建明倫堂 (採訪) 光緒二十四年

知州黃啟鳳邑人胡壽榮等重建體制崇隆清嘉慶六年定文昌為中祀春秋仲月三日致祭入民國祀典廢地方自治團保財政建設鐵路工程前後均附設於內現為第八區行政督察專員公署後殿五間因儲藏火藥民國八年二月被窮失火炸燬外尚有十二一在城南新興邑同治間邑人徐聯魁倡建現附設中心小學一在豐樂村光緒間龔泰貞倡建一在大石湖光緒間徐貞吉建一在高規槽一在彌興下屯光緒三十年彭商賢倡建一在彌興街後光緒十六年彭商賢田嘉禾倡建一在大代苴咸豐十年年高德明倡建一在小代苴嘉慶元年建一在紫貝塢官莊同治元年羅雲煥建一在普昌河光緒十一年建一在子莊民國三年郭姓合建一在光祿鄉同治十三年趙子驥馬駟良倡建

魁星閣 (舊雲南通志) 在學宮東南康熙四十五年知州張彥紳 (甘志注職官志康熙四十五年知州係張建策乾

隆十一年知州丁士可重建四十六年州人夏詔新改建 (甘志注此條與州志年分不合疑有誤存之以俟考) 嘉慶十一年知州陳王謨

四十年知州庚祥繼修 (甘志注職官志有王謨而無陳王謨又查嘉慶十一年任姚州署 (雲南通志) 在學宮東南南樓城

右康熙四十五年署知州建策 (一作彥紳) 建五十三年知府任宜中修乾隆三十六年學正袁文康邑紳瀘州

知州夏詔新移建於學宮左嘉慶十三年知州庚祥學正呂暢移建於學宮右又於南城樓舊址重建一

閣曰小魁閣於是州之魁閣有二 (王志) 舊在南城樓右年久將圯雍正八年知府楊輝祖移建於學

署儀門外乾隆三十六年學正袁文康州人夏詔新遷建於文廟左嘉慶十二年知州庚祥學正呂暢遷建於文廟右又於南城樓右舊址重建一閣名曰小魁閣甘志注通志所載多有舛誤不如此志之得其實閣者詳之（甘志）道光間州人官全以在文廟右者移建於南門外名曰彩雲樓亂後圯廢同志十一年知州張之彬移南城樓右之魁星閣於小南門上光緒九年知州李光舒修建考棚因建樓於其北上祀魁星下為大堂（採訪）後圯光緒二十四年因建文昌宮復於前面建魁閣

龍王廟（李通志）有三一在大石湖一在白石的按係在李家嘴子一在大康廊（舊雲南通志）一在城西大康郎一在城南大石湖東西有兩廟（甘志）西廟一名觀海樓後有觀音殿光緒五年州人徐聯魁重建（採訪）一在子莊乾隆初年建又光緒十九年知州周應方就岑楊二公祠左建龍神祠春秋仲致祭現改設衛生院

城隍廟（李通志）在府治西（王志）在北門內知府李贊修（甘志）光緒二年邑人徐聯魁重建（採訪）民國初圯廢就祠址改辦姚安等縣共立中學移城隍於萬壽亭一在普湖光緒十五年劉思禹倡修

謹按民切平演諸郡邑立城隍祠意在默贊治功實為神道設教廢之宜矣

姚安縣志 卷五十一 禮俗志 祠祀

八蜡祠（王志）在南門內（甘志）經亂被燬光緒九平知州李光舒以其地政建考棚（採訪）現改作習藝所

小卜靈嶽祠（甘志）在城北三里久廢小卜楚莊蹇將戰死於姚後蒙人立祠於墓祀之現祠於雖廢基址猶存通志所謂靈嶽祠疑即此

趙公祠（管志）趙公諱恆晉江人進士嘉靖間知姚安府有善政州人立祠祀之（甘志）久廢墓亦無考

謹按甘志注陶庭璋公生祠記係姚安知府趙澍生祠據此則趙公祠疑有二但久廢俱無考耳

岑楊二公祠（甘志）在昭忠祠左光緒五年邑人徐聯魁率眾捐建（採訪）光緒十九年知州周應方改修為萬壽亭將岑楊二公祿位移奉昭忠祠

謹按各典禮自政體革新謹文武兩廟及名宦鄉賢忠孝節烈各祠尚存紀念餘禮典均廢抑或祠址久湮存者亦多改作公益之用此蓋因事損益隨時制宜並無足異惟咸同之亂地方蹂躪人民塗炭幾二十年獨賴岑襄勤有戡亂之功楊武感達救平之績雖千秋血食吾邑可矣乃聽其遷廢於祭法以勞定國則祀之之謂何哉

俗祀

東嶽廟（李通志）在府治南（州舊志）舊在城南雍正間知府楊輝祖移建城東三里許（甘志）

（經亂被毀光緒四年州人徐聯魁集衆捐資公建（採訪）現附設縣訓所旋改建爲忠烈祠

鎖水閣（雲南通志）在城外東北隅旁有鎖水塔塔係蔡澍所建（甘志）閣塔俱廢

土主廟（李通志）在府治東（王志）一在城西南隅一在鎖水閣左（甘志）在城西南隅者經亂被燬光緒二年邑人重建（採訪）在鎖水閣左者光緒末坊人重建現無線電情報台設於內外尙有四一在朱大橋一在普湖大易康一在小蘆川均光緒間建一在石橋村同治初建

三皇廟（李通志）在府城北八里

三官廟（李通志）在府城西門外（甘志）經亂被燬光緒二年富有坊士民重建

天符廟（李通志）在府治南（王志）名五皇廟在南街

五顯廟（李通志）在府治南（甘志）名五靈宮（採訪）咸豐初禮義父慈兩坊陳劉董等姓

建清末及民國初附設女學現改建爲中心小學又一（甘志）在彌興街光緒五年州人楊國樑戴必賢倡捐重建

玄壇廟（李通志）在府城西

真武觀（舊雲南通志）在城北（採訪）在北城樓久廢

姚安縣志

卷五十一 禮俗志 祠祀

四

禮斗閣（管志）一在西門外一在北門外

藥王廟（王志）在東門內（王志）係經歷司舊署乾隆間醫士倪宗唐任世榮饒融和等承買改建（採訪）光緒間醫士周愛蓮許椿年米柏齡龔聯斗等重建

聖母廟（李通志）聖母祠在東嶽廟左（甘志）即育嬰堂光緒三年重建（通志）在城內乾隆間貢生劉賢等捐建咸豐九年燬光緒二年重建（採訪）現作棟川鎮公所

晏公廟（李通志）在府城西

牛王廟（李通志）在府城南

蕭公廟（管志）名順天王廟在城南（甘志）蕭公廟在南街（採訪）原在城西康熙丙申移入南街係江西會館保安隊部建設科美於種植推廣所前後附設於內又一在光祿鎮北關現附設中心

小學

禹王宮（甘志）在北街亦名壽佛寺係湖廣會館（採訪）光緒末湖南僑民重修民國二十六年二十九年復建大殿

清真寺（李通志）名禮拜寺在府治南關（採訪）舊在城東城破後回民聚寺自焚被燬民國八

年回民僕必達等倡建於北門內三十年赤額坪回民於村內亦建一寺

川主廟 (採訪) 舊在東街現移建城東北隅又一在城東南五里南屯

痘神祠 (管志) 在武廟左知州高其佩建(甘志)今廢

白馬廟 (李通志) 在府城東北十五里(州舊志) 在城東十五里(甘志) 一在城西(採訪)

一在城北將軍冲象山

三丰祠 (甘志) 在城南六十里筆架山巔(採訪) 一在光祿鎮舊名五福祠在活佛寺右光緒初

馬駟良倡建民國十五年楊國文等續修改祀三丰

三聖宮 (採訪) 有八一在長屯道光二十五年俞邦英倡建現附設中心小學一在城南十二里樂

豐街一在城西紫貝塢里人周永清陳履泰倡建見甘志 係同治元年建一在彌興團山咸豐四年陳忠倡

建一在上屯光緒十二年建一在普溯格子光緒初建一在海邊舖光緒二十年馮耀先重修一在光祿

鎮北關康熙間土同知高厚德建現附設中心小學

黃龍寺 (採訪) 在城東十里

三元宮 (王志) 在城南十里(採訪) 現有二一在城西七星邑嘉慶十二年重修民國二十五年

姚安縣志

卷五十一 禮俗志 祠祀

續修一在金家屯光緒二十年陳顯良倡建

中心寺 (採訪) 在金家屯以居廣川中心故名

梓潼寺 (李通志) 梓潼廟在府治東南(州舊志) 在城南十里

法樂寺 (採訪) 在城南五里蓮花池

報恩寺 (李通志) 在龍華寺下(州舊志) 一在城南十里一在城北二十里(採訪) 在城南者咸

同間被毀光緒初鄉人重建民國戊寅關映澤孫孝先重修

廣教寺 (採訪) 在城南四里方家屯

關聖宮 (採訪) 一在紫貝塢秧田冲同治元年楊東華倡建一在連廠陳家村一在永保冲光緒七

年彭森倡修一在尾苴咸豐四年魏玉章倡建一在團山咸豐四年陳忠倡建

佑聖宮 (採訪) 在紫貝塢小箐口同治元年郭正邦何鴻等倡建

斗母閣 (採訪) 一在彌興中村建始年月無考一在大白者樂同治元年楊萬鐘楊必泰倡建

松花閣 (甘志) 在城西四十里乾隆間州人郁騰龍建

謹按閣內存有無住禪師所書  
虛空法界圖一方書法遒勁

靈官廟 (採訪) 在紫貝塢鳳 山乾隆四十一年王有才倡建

文宮 (採訪) 在普湖前爲魁星閣中爲文昌宮後爲大成殿光緒十五年劉思禹倡建現設中心小學又一在光祿鎮鳳岫山麓乾隆間魯印姬等將彩雲樓壽星閣改建

泰山宮 (採訪) 在普湖南一里咸豐中燬光緒十年劉思禹重修

三官寺 (甘志) 在普湖驛 (採訪) 明給事中李元陽撰書碑記咸豐戊午毀於兵燹民國十五年文應華劉思武等倡捐重建

慶豐祠 (採訪) 在城西三里光緒二十五年卓玉珠姚顯昌倡建

太和寺 (採訪) 在城西百里太和山民國二十三年李永坤重建

馬家寺 (採訪) 在子庄嘉慶庚申郭馬二姓合建

西山寺 (採訪) 在活佛寺前

### 寺觀

德豐寺 (李通志) 習儀僧綱司德豐寺舊在城南因遭兵燹永樂二年移建南關西嘉靖三十八年知府楊日贊重修總兵木璘匾其堂曰眞如境界 (採訪) 光緒間改祀文昌嗣改德豐書院及中學現

姚安縣志

卷五十一 禮俗志 祠祀

六

改辦中心小學

地藏寺 (雲南通志) 在德豐寺右 (甘志) 光緒五年州人徐聯魁倡捐重建 (採訪) 宣統三年

改辦農業學校現歸入棟川鎮中心小學範圍

維摩菴 (雲南通志) 在城南門內明郡人張問善建 (甘志) 今廢

光明宮 (舊雲南通志) 在城東關外郡數被火災萬曆間知府李贊建祀火神 (甘志) 經亂被燬同治九年提督楊玉科重建

青蓮寺 (舊雲南通志) 在城南門外明郡人陶珽建 (甘志) 經亂被燬光緒九年陶氏闔族重建

(採訪) 光緒二十七年知州梁正麟初改譯算學堂繼改會文學堂

觀音寺 (雲南通志) 在城外西南郭外明時建康熙二十二年王志明作十四年僧覺知苦行重修 (甘志) 經

亂被燬 (採訪) 光緒初富有坊士民倡修改祀蒼頡名曰棟川書院爲甘季賢講學之所外尙有二一在興寶寺左象附設小學一在將軍冲宣統元年郭維泰等倡建

玉皇閣 (李通志) 在東山 (舊雲南通志) 在南門內 (甘志) 光緒五年州人徐聯魁倡捐重建

(採訪) 現作保衛隊部外尙有三一在城南二十五里大羅山一在城西十七里嵇肅山巔一在光祿

山活佛寺前

慈應寺 (參李通志雲南通志) 在府治東十里東山畔舊名護國寺唐刺史張虔陀建 (王志) 武侯祠畫壁記東山武侯祠其左有寺曰慈應今廢

白雲寺 (舊雲南通志) 在城東南十五里萬松山康熙六年分守參議蘭一元建 (甘志) 光緒二  
年寺僧重建民國二十八年鄉人重修

普光寺 (採訪) 在前場關一名雙龍寺建於明季曾鑄數鐘均有萬曆年號

德雲寺 (雲南通志) 在城東北四十里妙峯山旁有龍湫明萬曆間禪僧周理將建寺周行山頂見  
白衣老僧出入叢箐中遂結茅其地一日風雨驟至水暴漲將沒菴周理跌坐不動翌午水退有龍神來  
受戒遂以其地建寺歲時祭龍不用血食今山頂不動菴猶存 (採訪) 乾隆辛巳燬寺僧重建為三姚  
極大叢林

謹按各志均載寺建於萬曆間茲考山志德雲禪院以天啓六年丙寅經始建三楹至崇禎二年己巳復更爲五楹而崇高之又嘉慶中元  
位所撰德雲寺碑記開山年月作崇禎己巳並釋周理本傳自應以天啓六年創始崇禎二年落成爲是各志云萬曆間建實誤亟應更正

別峯菴 (採訪) 在德雲寺右

寶蓮寺 (採訪) 在城東南三里下新河

姚安縣志

卷五十一 禮俗志 祠祀

法緣寺 (採訪) 在城南十五里一名東豐寺咸同間被燬同治十年王元吉等重建

唐宗寺 (舊雲南通志) 在城東十里牟的邑

白鶴寺 (雲南通志) 在城東十里 (採訪) 建於明初

白龍寺 (雲南通志) 在城東十四里

興宗寺 (李通志) 在白的邑

三教菴 (雲南通志) 在城西南五里道人楊濟舟建 (甘志) 一名碧雲菴先緒元年重建 (採訪)  
(近年鄉人重修)

鶴騰菴 (採訪) 在城西南五里明崇禎元年建咸豐間燬光緒甲申鄉人重修

極樂菴 (舊雲南通志) 在城西五里 (甘志) 經亂被毀 (採訪) 光緒初寺僧如本重建

飛來寺 (雲南通志) 在城西南六十里明萬曆間黔國公沐昌祚鑄玉皇金像送雞足山供奉途次  
直里舖夜忽不見逾月忽有樵者見像於大代直圓鶴山之巒因建祠以奉故名 (甘志) 咸豐九年燬  
於火光緒四年徐聯魁倡西界紳民捐資重建光緒七年災九年州人李輔廷戴必賢重修 (採訪) 民  
國二十二年李作霖徐恭壽及住持孫元福續修

玉龍寺 (雲南通志) 在城西南七十里一名曹溪菴

勝峯寺 (舊雲南通志) 在城西南七十里 (採訪) 又名法慧寺在小代苴勝峯山創建於成化間後燬康熙間改建今址旋燬乾隆間重建道光間再燬又重建同治間增修民國初住持如松續修大殿有聯云數里入雲峯林藏古寺饒佳勝三生留石蹟山有名僧記得來

華藏寺 (甘志) 在城西四十里 (採訪) 一名華藏林

古山寺 (雲南通志) 在城西古山之巔俯瞰川原為城西勝境明末分守參議張五瑞重修 (甘志) 經亂被燬光緒元年邑人徐聯魁重建

古泉寺 (雲南通志) 在城西五里有甘泉頗清冽 (王志) 邑人陶珽有記 (甘志) 經亂被燬 (採訪) 光緒間重建

興善寺 (舊雲南通志) 在城西四十里彌興大村 (甘志) 年久將圯光緒七年里人公捐重建  
廉泉寺 (甘志) 在連廠河韓村寺後有泉甘冽異常

興寶寺 (舊雲南通志) 在城十五里元宣光間建

謹按甘志注觀揚才照興寶寺序銘所載此寺實創始於蒙氏割據時通志謂建自元時誤云云今釋揚才照序銘始建於唐懿建於宋孝宗淳熙十三年重修於元梁正宣光六年明景泰戊午年凡六次為吾姚現存第一古刹又現存寺梁書為宋紹興十二年鼎建亦失考因

段氏元亨二年實為宋孝宗淳熙十三年也

觀音菴 (甘志) 在彌興街右菴下有井味甘冽 (採訪) 同治十二年彭裔賢等倡建民國二十二年田恆豐等改建為中心小學

普陀寺 (甘志) 在城西紫貝塢有石壁高數十丈菴在石壁下

觀音閣 (採訪) 一在紫貝塢和尚庄同治元年任昌國等倡建一在高陀山塔原址乾隆間光祿鄉人建

老君殿 (甘志) 在普溯驛西南老君山巒州人劉思禹高汝夔倡捐重建 (採訪) 民國四年蕭緣善募捐續修崇閣千霄工程俊偉

觀音殿 (採訪) 在普溯石門光緒七年彭輔清等倡建

天花寺 (採訪) 在城西十四里相傳明季邑人高將軍增魁就寺前建私園後改為道觀乾隆十八年住持李常洪村民楊翰華重修現附設中心小學

壽山寺 (雲南通志) 在城西二十里康熙三年建 (甘志) 一名仁靜寺明副將王某從傅忠壯公征流寇新蔡兵潰逃歸四川隱昭覺寺為僧法名真蘊以康熙初年入姚建斯寺 (採訪) 咸豐間大殿



兩廂燬於兵燹民國二十二年住持古文募捐重建邑人由雲龍撰書楹聯落其成云爲弄棟名蓋之一經幾多締造艱難正當民國重光復新刹宇並龍華興寶而三願此後精勤猛進遙繼眞公遺志大闡宗風聯語渾含史實意義深長書法遒勁有致

首樂寺 (雲南通志) 在城北五里(甘志) 光緒六年州人邵延年倡首重建(採訪) 民國三十二年丁國樑復倡首改建前面閣樓

華嚴寺 (舊雲南通志) 在城北十五里明崇禎間有行僧古林禪定於此(採訪) 咸豐間燬於兵燹光緒二年蔡香圃倡建現附設中心小學

妙光寺 (李通志舊雲南通志) 在城北四十里滿海場元至元中慶禪師建歐陽玄撰記見文徵(採訪) 清康熙間燬寺僧智 等重建道光十六年重修

謹按乾隆間施岳及道光間毛德輝所撰寺碑均有相傳建自大唐 語因舊時寺梁書有尉遲敬德造遂傳會爲唐之尉遲 恭考曹溪一滴五宗以下有益州雙流尉遲敬德和尚蓋即所造也大理三塔寺之誤大略亦如此施毛公云均誤詳見雜載

龍泉觀 (採訪) 在黑壩建於明初光緒二年羅宗閔等重修

龍華寺 一名活佛寺在城北二十里白塔村後唐天佑間建(採訪) 原名臥佛菴元世祖時段氏相國高泰祥女在菴焚修得晤其弟姚安路總管高長壽坐化後長壽改建更名活佛寺延雞山僧智聰住

姚安縣志

卷五十一 禮俗志

祠祀

九

持清康熙五十九年燬土官高厚德及住持寂廣重修光緒二十年二月又燬邑人馬駟良及住持覺安再建境地幽勝建築莊嚴閔偉實邑中最古之大叢林

謹按馬駟良重建活佛寺小引載寺存蔡友松碑有云天章四年建有云大寶年修按段未興於宋高宗紹興七年立改元四一日大寶天章則無考矣

至德寺 (雲南通志) 在城北二十里明僧悟眞建

棲霞寺 (雲南通志) 在城北二十里(採訪) 明崇禎五年高齊斗倡建清康熙初高喬映續修光緒二十五年知州梁正麟改爲棲鳳書院

慧龍菴 (雲南通志) 在城北二十五里大康郎等

明見菴 (採訪) 在市家村乾隆間魯印姬倡建現附設小學  
百老菴 (採訪) 清初高喬映建選府屬耆老百人常住其中寓敬老之意詳見義舉

師和寺 (雲南通志) 在城北三十里

覺照寺 (舊雲南通志) 在城北三十里明天順間建

覺雲寺 (王志甘志) 在城北一百八十里曇華山(採訪) 清初僧悟眞及子高喬映建境地幽邃有何閔中任半舟石刻

論曰在昔南中俗尚淫祀渠酋卽以大鬼主著稱初民愚昧之見宜然也迨後崇信佛老偏祀百神要亦未離凡庸之見至於今日風氣漸開知就祠宇以辦公崇建廣廈而興學得不謂非進化之一表現也歟